

摘藻堂四庫全書薈要

集部

欽定四庫全書薈要

集部

元詩選三集卷四



詳校官編修

臣

王天祿

欽定四庫全書薈要卷二萬四百五十八集部


元詩選三集卷四

長洲 顧嗣立 編

滕斌玉霄集

斌一名賓字玉霄黃岡人或云睢陽人風流篤厚
見者心醉往往狂嬉狎酒韻致可人其談笑筆墨

為人傳誦寶愛不替其謝徐承旨啟有云賈誼方
肆於文才諸老或忌其少阮生稍寬於禮法衆人
已謂之狂至大間任翰林學士出為江西儒學提



舉後棄家入天台為道士一日訪白雲平章於西
山不值戲題壁間有後夜月明騎鶴來之句白雲詭
為呂岳詩一時傾動厚賂玉霄使勿泄白雲平章
察罕也

感遇九首

宇宙忽空闊飲馬萬里流平生負兩眼及此行寓州天
清健鶻運木脫饑鷹投長風吹海雨濯我紫綺裘相逢
半遊俠把酒顙如虬慷慨說史記歷歷山川秋向來衣

帶水目短何

一作斷河無舟

吾愛東方朔高揖金馬門向非玩六合安肯來崑崙
昂昂九尺身談辯黃河翻誰知上書意蛾眉非自婚
不見馬相如俛首狗監恩人生非桃李何故不自言

吾愛李太白玩世如遊龍自知天上謫何必人間容
海風吹綠髮蕭蕭卧雲松我昔夢見之遺以金芙蓉
清輝恍在眼日落蛾眉峯

西風桂花落我上天台山仙子扶我手泠然蒼水環乘

鷹者誰子飛烟渺難攀三坐此遊戲弄影銀河灣空山
忽風瀑四顧鳴潺湲長揖馬子微此豈非人間

春風如

一作吹

綠浪

一作波

淡蕩洛陽柳高樓語錦瑟落花

泛綠酒何人白鼻騮蒙茸紫貂袖一字或未識銀篋懸
兩肘煌煌貝宮珠迺落緯蕭手爰居偶鐘鼓犧牛竟文
繡終然同一盡豈復論好醜誰知草玄者窮巷閉白首
步出湧金門所見土花碧徘徊衣上月感此美人夕美
人胡不歸月落江水白寒潮已復去海馬曉無跡萬弩

射鯨魚駭浪接天赤空聞魯仲連孤感橫八極哀哀精
衛石填海竟何益

贈客黃金羈勸客白玉卮昔我亦為客得此慨不辭小
草戲其出檳榔笑其譏相識何所無所樂心相知平生
數公子腰下珊瑚枝冥冥或相隔寤寐恍見之無絲繡
平原無金鑄鍾期秋風山陽笛淚落不自持

贈我火浣布報君吉光裘一意結意氣呼酒黃鶴樓神
交豈待語與子為天遊攜手閬風觀濯髮扶桑洲下視

俠少年笑嬉藏怨尤世無羊左烈風雪且自謀東井不
可酌天駟豈服輶

船頭書十乘船尾酒百壺酒盡書在眼落月如明珠忽
悟八陣法縱橫如河圖惜哉經世士未有窺唐虞季子
相六國所見惟陰符

題東坡書楚頌卷

歐公家潁川坡老田陽羨是皆非吾土而乃此留戀種
橘知何時何時歸去兮歸而謀之婦惜無李衡妻

贈弓秋蟾

瓊花十里小樓紅
醉吞牛斗眠長虹
十年四海分萍蓬
一笑邂逅滕王洪
牀頭回首黃金空
但覺耿耿盤心胸
問蟾何不歸蟾宮
自有老月留身中
誰受一粒金丹紅
學得紙上畫墨龍
白晝呼吸風雲從
頃刻霧暗天濛濛
妙處巧奪造化工
不復知有陳所翁
君不見金陵壁上
不點瞳點瞳
霹靂驚江東
我欲煩君具毫楮
畫一小龍
回顧母普令天下
生孝心不向江湖
長驂雨

題關

合星移次福江西萬馬攢蹄夜不嘶鼓角聲隨山月上
旌旗影拂海雲低心唯一正千官肅事不多言萬物齊
帶得天邊新雨露曉看春意滿鋤犁

元日對雨

凍雲卷雨宿巖阿又見東風長薜蘿宇宙千年光霽少
關河百戰亂離多鐵心不入利名冷綠鬢堪供歲月梭
試筆尋詩詩未穩梅花樹下少婆婆

湖西小樓

不如載酒此凭闌
水色山光蔚可餐
紫翠挾春排坐濕
玻璃湧月入牕寒
蒼茫白鳥鳴幽嶼
掩染飛花漾碧湍
但令風光入吟嘯
畫船綺袖不須看

所見

何時結屋亦雲根
隔水人家可輞川
萬仞雲山凝曉碧
一弓風日弄秋妍
虛名豈用傳身後
俠氣猶能累眼看
料理寒香微雨外
已拚蕭散待流年

吟到

吟到西風黃葉枯
新愁幾點落寒爐
乾坤萬象俱吾有
烟雨一闌何處無
流水悠悠吾道在
浮雲擾擾世情疎
午窗喚醒華胥夢
古木巖頭聞鷓鴣

哭東園

人間八十歲吟翁
一轉頭來夢幻空
化鶴何心歸世外
騎鯨無信到江東
香名合列仙班上
老氣猶橫詩卷中
如此英靈元不死
梅梢月落響松風

呈孫郎中

時芒丞
相薨

獨立梅花恨最多
江西夜雨漲恩波
仙翁已矣客猶在
天意不然人奈何
撫劒有時撐老眼
銜杯無路發悲歌
先生閉戶何為者
我亦從今理釣簑

靈泉翬舉自有詩
十八章留人間
今止存五遂續之錄八

石冷龍蟠風高鶴瘦
一片白雲勿落襟裋
月珮霞裾霧襦雲幄
白鶴一聲秋風老壑

本無塵埃何事乎浴千仞飛泉所濯吾足

山有浴泉

誰言桃實可以療饑何為武陵迷不自知

山有桃峯世傳仙所食

萬山雪瀑一葉蓮舟世人指似秦華峰頭

山頂有仙蓮風飄花片時

下

如劒斯泉如甕斯石夜橫紫簫吹散寒碧

瑤草低雲蒼松灑雪何人舉酒酌我明月

天低絳闕月滿瑤臺玉鸞何許盡歸去來

題金精山

天風吹送玉鸞回
洞口桃花幾度開
何物癡兒不知量
敢將俗念浣仙臺

題龕巖十詠

讀書巖

曉巖石室漱江東
昔隱唐官越國公
勝跡不磨遺像在
書聲時落半天風

試劍石

來訪書巖有異蹤
鏤鉏剖石試雙鋒
石懸形帶青蛇色

怪欲乘風化作龍

靈湖

岳竇中開一甕天蛟龍潛蓄此成淵盤旋石壁水晶殿
神物朝朝作雨烟

石筍峯

石森如筍峙岳前天地栽培幾百年也合成竿長枝葉
清陰喬鬱庇山川

石舫

仙境清虛別有天
崑中一石似橫船
向來恐有問津者
亡卻漁舟在此懸

筆架山

俯揖前山如筆架
筆尖高插五雲生
我來欲蘸滄溟水
仰手摩天寫太平

鐐泉

層崖峭壁接天高
一線龍泉玉索綯
今古風刀裁不斷
月鉤懸可釣金鰲

銅鑲鯉

當年曾把銅鑲券串卻金魚掛壁間一夜風雷作霖雨
化龍飛去不知還

瀑布泉

飛泉瀑布自高品玉撒珠跳綠綺彈淨洗令公朝市耳
銀河長瀉九天寒

僧寺

僧開寺接東龕近人讀書和梵語聞時見樓臺烟霧鎖

數聲鐘鼓報朝暉

訪隱

一作紫
芝道院

西風短褐飛

一作
吹

黃埃何不從

一作
隨

我遊蓬萊狂歌醉

舞下山去後夜月明騎鶴來

夜雨

未到黃昏緊閉門
怒雷挾雨過前村
老夫熟睡渾不覺
風捲濤聲入夢魂

半生

半生獨受春風殘萬感相隨秋夜長
隱几無眠聽落葉
松梢搖雨澣山房

僧舍

一枕松風入夢清
空庭夜雨暗禪燈
山中酷愛僧居好
得似山中不著僧

謫會昌二首

莫謂文章不直錢
布衣親到玉皇前
好詩未足三千首
又為梅花入瘴烟

錦衣來作夜郎客
紈扇忽逢春夢婆
太平宰相知我者
誰使醉後狂言多

舟中

拍拍有懷天可語
落落不遇吾何歸
蘆山蒼蒼江水急
明日鶴背西風飛

吟人

吟人瘦倚曲闌干
酒醒香銷午夢殘
燕子不來春社去
一簾疎雨杏花寒

廣賢曾堂賓出示先世手墨敬題廿八字

西風吹老鬚根霜幾度青山送夕陽回首淵明今已矣
黃花猶帶晉時香

馮子振海粟集

子振字海粟攸州人博洽經史嘗著居庸賦首尾
幾五千言閎衍鉅麗自號怪怪道人仕為承事郎
集賢待制海粟於書無所不記當其為文也酒酣
耳熱命侍史二三人潤筆以俟海粟據案疾書隨
紙數多寡頃刻輒盡事料醲郁美如簇錦與天台
陳孚剛中友善剛中極敬畏之自以為不可及金
華宋景濂曰海粟馮公以博學英詞名於時當其

酒酣氣豪橫，厲奮發一揮萬餘言。少亦不下數千
真一世之雄哉！惜全藁失傳，僅於書畫卷中搜得
如干首，又嘗與中峯禪師唱和有梅花百咏并附
於後云。

題鈕處士隱居

太湖光爛銀，日上眩朝彩。幽人住此中，浩蕩增嵒鬼。亦
有千林橘，柯葉霜不改。仙翁留丹竈，五色精璀璨。我欲
從之遊，芝田為君采。

遊報恩寺讀東坡石刻

老石經劫壞神物在處留元豐蘇長公有倡當須酬莫
作分別想滄海粟影浮人生宇宙間何許更九州文字
千古暎醉墨楷法道願杳五百年華屋真山丘且從薊
子訓銅狄三千秋

奉皇姊大長公主命題王孤雲漬墨角抵圖

年來鬼弄人狡獪出幻戲崖公亦兒嬉隊伍連鼓吹獸
召魑魅顛顛倒垂舞袂擎梯旋注盃駭汗增妙意跳躑

向虛空渾如履平地生蛇縛樊籠鱗鬣尚黏綴獵圍麋
虎貙賈勇雷電沸戈旗誇戰鬪擄卒彌膽氣最後大將
麾胡牀專尊貴伐閭鐵門限失笑詎玩世罔兩曾問景
莊周語言繼幽冥一理耳分別自愚智百齡千萬齡伸
詘肘不易懸知碧桃花長戀老仙轡五窮莫移檄文字
安敢崇

贈鐵脚劉道人

道人鐵脚更鐵冠山人鐵面仍鐵肝道人山人兩相值

面色脚色俱蒼寒道人鋒稜厓骨削山人劍氣星斗干
山空人去夜猿別一葦北渡黃河乾盧溝月濕波蕩潏
太行雲晶峯巒圯古來豪傑數燕代長轂驟裏榴花鞍
呼鷹射鴈逐雞狗脫手拓彈排金丸壁門雙闕照燕碣
虎豹蹲踞蛟龍盤布衣一語動萬乘不識宰相為何官
雲飛風起對紫檀血指漑漑裛如丹尚方百奉諂骨裂
山人九死聖度寬萬里放還直墮甌回視歲月驚流湍
南山清渭一夢覺但見落葉吹長安道人槌札未棄置

欲刻朽骨為榮觀野麋豈是麟閣具滄海自分終魚竿
窮林尺鷃無處著豈意思想南溟搏人間新貴奪紈綺
曲眉婉孌浮山壘為渠向作白玉盤眼耳鼻舌渾熱瞞
劉郎他日高眼看歸來取鈇歌馮驩

奉皇姊大長公主命題展子度游春圖卷

春漪吹鱗動輕瀾桃蹊李徑葩未殘紅橋瘦影迷遠近
緩勒仰面何人看高巖下谷韶景媚瑟瑟芳菲韻纖細
層青峻碧草樹騰照野氍毹攤繡被李唐歲月聊底參

楊隋能事筆不慚東風晴陌苔復穎濃綠正要君停驂

題郭主簿模摩詰本輞川圖卷

并引

海南金元帥出此圖與予三十年前張子有家觀摩
詰真卷無有不似者則忠恕殆神仙者流信名下
之士不虛也

開元宇宙承平日華子罔頭曾宴適至今自貌輞川圖
下有幽人交莫逆辛夷塢外黃汴隔亦復扁舟春蕩滴
竹君冰霰歲寒傲未便申椒能辨屈平生雅志厭朝市

醒醉悠哉睠泉石是間山水無限趣況乃佳賓得裴迪
規模想像郭忠恕垂四百年留妙迹鶯啼花落香句在
誰信長安歎凝碧後來拊卷意迷茫且復追維三太息

鍾馗圖

老馗兀輿二鬼肩一鬼勃窣袋影懸一鬼負劒帽帶旃
一鬼頂顱雙角駢老馗之婦輿蹁躚其荷輿者鬼婢虔
猫抱掌握鬼妾妍提其奩具雌袂玄攜枕而從服飾鮮
鼠歡黏綴袴亦然擎擔最緩行李便鬼之嬰孺盛穿聯

囊包索裏琴能仙
瓠壺穹掛吁可憐
揭竿之魅愁攀緣
最後甕鬼束縛椽
尸而行者猶能前
肌肉消盡骨骼纏
物怪種種來無邊
神禹鑄鼎今幾年
罔兩在此猶翩翩
吁嗟吁嗟問老天

奉皇姊大長公主命題王朋梅金明池圖

金明池上張水嬉
百擢賈勇建鼓旗
按欄切雲人俯砌
但覺沟沟鳴春漪
東西夾岸瞠萬目
黃帽長年看不足
是時恰值宣和金
盛時消得輕綃寫
晴渌

題米敷文楚山清曉圖

冥冥濛濛方寸天不知所以然而然無根老槎濕風烟
靄雲懵懂栖蒼玄晴牕開卷作三叫看得米家神氣小
濃蘭塗墨幻東西污我瀟湘山色曉

奉皇姊大長公主命題周曾秋塘圖

芙蓉滿意陂湖秋枯荷折葦林塘幽沙鳬野鴨浮清流
霜中鳴鴈寒汀洲黃蘆紅蓼葉尚抽水石懶倦不自由
大年小景方綢繆能事更費千金收瀟湘之南買一丘

併與夢澤長唱酬

題趙承旨白鼻騮圖

并序

松雪趙承旨用生紙畫人馬圖居然生動之態使
龍眠無恙當與並驅也因賦一詩時泰定二年七
月廿二日書於維揚寓室

曲江洗刷墨

一作雲

滿身雄恣逸態何超羣眼中但覺肉

勝骨幹也合讓曹將軍嗟哉今人畫唐馬藝精亦出曹韓
下玉堂學士重名譽一紙千金不當價山牕擁雪觀畫

圖據鞍便欲擒於菟天厩真龍有時有杜老歌行

一作詩篇

絕代無

此詩一作察伋見趙承旨蕃馬圖卷一作郭昇見了堂弟子林上人天錫遺詩卷

題趙鷗波高士圖

并序

唐人得意袁安卧雪圖宋真宗出諸內府以餞相
國丁謂之守昇州其被召也留之賞心亭而去
後有饒太守者竊而易之莫知流落何許尤物足
嗟惜如此松雪作此幅極有思致非能烹陶家凍
茗者安能味之此可與識者道

洛陽雪深凍闌干高士僵卧饑寒安忍貧束腹一榻寒
不忍持鉢鄰里干令君曉鞭望門看賢哉此公此操難
誰能為口須片肝五公四世清節完吳興松雪峻筆端
闕縑粉白闕漫漫儼若古意幅面攤好事把玩應長歎
人間飯飽煩邯鄲功名回首闕霏殘何如小忍聊盤桓
門前蒿少青巔岼

題趙仲穆臨李伯時鳳頭驄圖

并序

洪都西山有洪崖移居古刻此吳興趙仲穆作意

臨摹又別是一格非學神仙者流如恒麓李子希
徵誰當識之海粟賦於李氏恒麓山房

洪崖先生住西山移宅深密逃人寰幅巾烏鞞腰角帶
闊袖袍色濃嵐斑一筇九節相攜慣矮幹家僮蕉扇攀
崎嶇步武轉蹒跚皂服輕袪行計辦一僮肩輿輓白騾
俊駛難馭馳坡陀後鞦側畔蹠足勢奈爾決驟奔傾何
藍衫隻手操鞭逐席帽背擎無世俗一僮耒了一僮催
高束文書赤雙足一僮綠袂麻屨捫臂挑莊叟大瓠壺

先生家具即此是焉用檢校隨身符豫章宮巖鑰幽谷
雨捲雲飛霧如沐神仙狡獪踪跡奇寫到吳興趙氏屋
誰傳畫卷秦淮邊妙意恰得希微憐海翁一見心繾綣
贈以菊徑歸田篇玉禾自熟犁鋤廢黃犢烏捷有餘地
雪騾水草久馴良却後千年丹發匱

贈彈琴劉世賢

朔齋之孫元祐家異世門閥凌秋霞空山無人琴自語
歷歷往代虛豪華清冰古雪松質峻照眼何限桃李葩

堅持靜操欲矯俗淡泊安得退淫哇朱絲絃上三太息
此事寧久迷塵沙諸君耳濁箏琵琶月明庭戶留棲鴉
高山流水試一聽昭代復見真伯牙

塢燈

擎天一柱礙雲低破暗功同日月齊半夜火龍蟠地軸
八方星象下天梯光搖灩澦沿珠蚌影落滄溟照水犀
文焰逼人高萬丈倒提鐵筆向空題

鶴骨笛

胎仙脫脰寄飛瓊換羽移宮學鳳鳴噴月未醒千載夢
徹雲猶帶九臯聲管含芝露吹香遠調引松風入髓清
莫向山頭吹暮雪籠中媒老正關情

楊花二首

曾與行人惜翠條而今飛絮滿河橋一分流水萍初碎
百尺春風雪未消微撲妝樓啼半面乍黏舞席折纖腰
沾泥更傍誰家砌簾戶新聲紫燕嬌

婉婉春風與願違悠揚風日暫無輝不隨芳樹千林歇

還稱遊絲百尺飛夢落吳蠶欺白蠶心隨代馬戀征衣
鳳池蹤跡逡巡到未忍飄零拂釣磯

旌表申孝子門

竹屨輕輿到處安水溫半菽盡情歡寸心不暫三暉置
萬頃何如一畝寬高蓋門閭華黼黻斑衣歲月老巾冠
遙憐續漢書申孝千古申屠又有蟠

登金山

雙壘嵯峨聳碧空爛銀堆裏紫金峰江流吳楚三千里

山壓蓬萊第一宮
雲外樓臺迷鳥雀
水邊鐘鼓振蛟龍
問僧何處風濤險
郭璞墳前浪打風

雲林清遠四時詞四首

花分石徑蝶衣裳
蜂惱晴檐燕雨香
解事野桃吹綺片
誰教賺到鵲仙鄉

脫籜斑筠綠節明
霖收梅子麥寒輕
諸峯隔截高低樹
忽聽初蟬第二聲

月濕流螢歇懶烟
西南峯缺露原田
冰簾不倩匡山瀑

萬丈銀潢瀉玉天

嘉平臘釀渴茶鐺直待龍沙雪水烹
舞徹瑤臺千歲翮
鶴丹回施范長生

題黃鶴樓

鶴樓千尺倚晴闌大別山前舞峻鸞
昨日英雄無問處
依然江漢湧波瀾

題楊州瓊花

錦帆隱隱到天涯古道殘陽泣暮鴉
莫為龍舟更惆悵

廣陵依舊看瓊花

題墨肘魚

平生骨氣占南風
玉色鬚鱗海汐通
莫與粉紅參石首
天機袞袞水流東

奉皇姊大長公主命題宋道君鸚鵡圖卷

鸚鵡灘頭狎浪隨
君王縑墨慣娛嬉
淒涼晚歲鴛鴦灤
漠鴈沙鴻未必知

奉皇姊大長公主命題郭恕先升龍圖卷二首

建武神仙事渺茫西池王母惜劉郎赤龍一去無消息
兒子東方御榻旁

萬戶千門築漢宮魏峨井幹與天通青禽當日銜書降
從此瑤池碧樹紅

奉皇姊大長公主命題錢舜舉碩鼠圖

黠吻工饒恣陸梁粟初黃候未登場君恩一穗填渠腹
可信年年盜太倉

題趙魏國雙馬圖

一馬形軀百法全
生時靈氣取山川
英雄正用同生死
那忍無聲立仗前

桑乾河

幾年朔客渡桑乾
野水潺潺滴澀寒
回首燕南烟雨外
西風沙鴈報平安

縉山道中

榆林東北縉山圍
百嶂千峯畫卷揮
鞍影搖搖人意懶
秋風及早送將歸

金蓮川

金蓮川上富秋光的
樂花枝不著房只合潘妃微步

闕

凌波羅襪寄芬芳

梅花百詠

錄三十八

庭梅

闌干六曲護春風
白雪生香滿院中
夜靜月明么鳳下
半牕疎影隔簾籠

江梅

有客孤山弔鶴歸
半肩行李插疎枝
街頭兒女不解事
剛道賣花人未迴

杖頭梅

短筇挑酒過西湖
折得冰梢傍玉壺
日暮醉歸山路險
風流直待倩人扶

隔簾梅

玉堂咫尺有神仙
翠箔籠春信不傳
日暮相思雲樹杳
一泓秋水月娟娟

照鏡梅

粧閣開奩對曉寒
菱菱影裏雪團團
素鸞舞罷却飛去
留得芳容正面看

未開梅

重重椒萼護輕寒
不放春心一點閒
可是花房芳信晚
故應緘密待春還

乍開梅

土脉陽和氣候新
花房微露一分春
想應未識東君面

猶自含羞效淺顰

半開梅

暖入南枝氣未勻
笑含芳意待餘馨
相看絕似瑤臺夜
斜掩重門認不真

全開梅

玉臉盈盈總是春
都將笑色媚東君
道人放鶴歸來晚
月下看花似白雲

山中梅

巖谷深居養素真
歲寒松竹淡相鄰
孤根歷盡冰霜苦
不識人間別有春

水月梅

浮玉溪邊夜未期
暗香疎影靜相宜
一時意味無人識
只有咸平處士知

粉梅

玉妃平碾白硃砂
散作春風六出花
夜半月明霜露重
滿襟清淚濕年華

黃梅

青子初肥色半鮮
綠陰深處壓枝懸
日長幾陣廉纖雨
正是江南四月天

鴛鴦梅

並蒂連枝朵朵雙
偏宜照影傍寒塘
只愁畫角驚吹散
片影分飛最可傷

綠萼梅

蕊珠宮裏小仙娃
暫別椒房抑翠華
底事塵緣猶未斷

謫來人世作名花

西湖梅

蘇老堤邊玉一林
六橋風月是知音
任他桃李爭歡賞
不為繁華易素心

東閣梅

官庭把酒送行人
對雪看花值早春
杜老飄零頭白盡
底須朝夕苦催輪

簷梅

儂家老樹臨書屋清夜看花眼不眠殘雪半消寒月上
暗香和影度疎簷

咀梅

旋摘冰英帶雪餐清歸齒頰不知寒屈平若解知風味
未必專心嗜菊蘭

盆梅

新陶瓦缶勝瓊壺分得春風玉一株最愛寒窗閒讀處
夜深燈影雪糝糊

烟梅

瓊林浮翠淡朦朧
遙望珠光隱見中
一夜東風吹不散
曉看渾似碧紗籠

孤梅

標格清高迥不羣
自開自落傍無鄰
天寒歲晏冰霜裏
青眼相看有幾人

移梅

新斲孤根手自栽
和鉏和雨破蒼苔
寒窗歲晚多清事

只欠幽芳帶雪開

疎梅

數箇冰花三五枝
東風點綴特稀奇
黃昏照影臨清淺
寫出林逋一句詩

矮梅

不放冰梢數丈長
怕分春色過鄰牆
大材未必難為用
禹殿雲深鎖棟梁

臘梅

洗却鉛華扮道裝。檀心淺露紫香囊。從今宮額翻新樣。
變作眉間一點黃。

竹梅

乘鸞姑射下羅浮。鼓瑟湘妃出上遊。邂逅江干新話曲。
冷香幽翠不曾愁。

月梅

黯香浮動正朦朧。古樹橫斜淺水中。清景滿前吟未就。
又移疎影過溪東。

剪梅

手挽冰枝那忍觸
莫教香雪浣蒼苔
并刀輕斷梢頭玉
笑引春風上鬢來

浸梅

旋汲溫泉養折枝
冰花寒玉淨相宜
從今借得恩波力
會見青青結子時

簪梅

對雪看花可自由
興來寧復為花羞
臨風一笑烏紗側

却勝黃花插滿頭

苔梅

姑射仙人翳翠鸞
濛濛香霧濕飛翰
夜深舞罷霓裳落
留得蔥裾護曉寒

別梅

東風吹夢返湖山
玉減香消怨夜寒
畢竟明年又相見
早將春信報平安

憶梅

迢迢春信隔江南
寂寂芳心負歲寒
青鳥不來仙夢杳
月明空自倚闌干

解舍梅

卻月凌風迹已陳
那堪詩句尚清新
如今不獨揚州種
江北江南總是春

前村梅

野老莊南天氣暖
一枝常是占先春
夜來雪裏東風急
時有清香暗襲人

紙帳梅

溪藤十幅蔽春寒時有清香入夢魂
多少羅幃風月好不知消得幾黃昏

夢梅

何處遊仙睡覺遲羅浮山下赴深期
一聲吹徹霜天角正是參橫斗轉時

李溥光雪菴集

溥光字玄暉大同人自幼為頭陀號雪菴和尚深
究宗旨好吟咏善真行草書尤工大字與趙文敏
公孟頫名聲相埒一時宮殿城樓扁額皆出兩人
之手亦善畫山水學關仝墨竹學文湖州大德二
年文宗降旨來南闡揚教事椎輪葛嶺後詔畜髮
授昭文殿大學士玄悟大師有雪菴長語大字書
法行於世雪菴嘗題息齋李衍墨竹云息齋畫竹

雖曰規模與可蓋其胸中自有悟處故能振迅天真落筆臻妙簡齋賦墨梅有云意足不求顏色似前身相馬九方臯余於此公墨竹亦云觀此知雪菴之詩胸中亦自有悟處故能落筆超妙乃爾也

題平陽龍神張誠叔別業長歌

始山之東山之隅龍神風物美且都泉清樹茂田膏腴中有太古仙民居云是先人之故廬龜蚨千字存遺墟右岡左林跨修途前潭後阜開畫圖柳塘竹塢當門閭

藥畦花圃相縈紆三間茅屋藏堪輿延賓有齋爨有厨
壁間懸琴賀積書文楸在榻酒在壺棣花春風勸友于
紫蘭芝草羅庭除田蠶春碓賈陶漁牛羊騾馬雞豚鳧
絲麻委婢耕委奴歲時足以供百需打門未始驚追胥
遶屋時聞幽鳥呼主人況乃非世儒王門懶曳鄒枚裾
胷中素有廊廟謨冥鴻未可世網拘振衣歸來弗躊躇
青鞋布襪竹杖扶南窻寄傲忘居諸一觴一詠日自娛
高情澹澹寄太虛出岫野雲同卷舒寬兮綽兮矩不踰

優哉游哉樂有餘人間有此安養區輞川盤中未必如
平生我亦山澤癯所經佳勝神與俱田園至樂獨讓渠
知君之樂孰若吾

大勝城

地接雄燕盛山連絕塞長黃塵今古道白骨戰爭塲故
壘風塵慘頽城草棘荒金珠買雲朔過客為心傷

初出雲中

吟鞭驢背穩如舟乍出囂塵眼界幽宿雨洗開千里瘴

晴雲捲出一天秋。白鷗黃犢渾相識。綠水青山。捐舊遊。
莫訝旅懷還更好。道人心上本無憂。

靈仙山

并序

蔚蘿南山有如窈窕之形者。土人自古以靈仙女
目之。騷人墨客皆有題咏。予效顰云。

何年真宰琢空青。姑射仙姿見典刑。大塊飛星傳化質。
太初元氣結坤靈。烟霞有意驂荀馭。雲雨無心到楚庭。
休著望夫輕比擬。媧皇正恐是真形。

登長嶺

一作梯山

鳥道盤雲上碧霄，停驂俯視

一作仰

欲魂消。苔花鎖石堆

雲錦，樹葉經霜剪絳綃。雲物迷人遊汗漫，山靈策我上扶搖。馬頭殘日西風起，萬壑秋聲送海潮。

秋日過景光祿墓二首

光祿墳前禾黍秋，西風蕭瑟起人愁。當年姓氏喧天下，今日牛羊上壟頭。山色不隨人事變，水光猶帶夕陽流。黃金已落偷兒便，富貴何曾潤髑髒。

金天一代盛豪華夢斷槐安事可嗟
破塚荒寒無發主
斷碑零落在誰家
頽垣斜日圍秋草
老樹西風集暮鴉
閒客不堪來弔古
摩挲翁仲看苔花

登龍祥宮總真閣

上盡丹梯十二階
浮空金碧粲瑤臺
三清日月簷邊度
八表風烟掌上開
鳬舫方期遊汗漫
雲軿端欲訪蓬萊
吟魂獨遶闌干角
望斷安期竟未來

平城秋郊懷古

虎踞龍盤化劫灰登臨懷抱動吟哀山河王氣歸今代
經界遺踪認古來御水了無喬木在金陵猶見野花開
古語有魏跋
來野花開繁華消息無從問落日荒烟鎖鳳臺

溫泉

路傍蜺殼遍高原滄海生桑復幾年
媯汭舊名疑尚爾漢唐遺壘故依然
斷碑苔蝕有隣筆尚醞香飄玉液泉
千古無從窮往事螺山疊翠冷摩天

川傍多螺蜺殼而
城內存蔡有隣碑

詩故
及之

潞陽道中

青山綠水萬家隣，一井川原畫障新。
紫塞風光推獨擅，錦城佳麗入橫陳。
桑麻附郭公私足，花柳無邊富貴春。
寄語尋芳行樂客，不須奔走洛陽塵。

鷄兒嶺

撼撼寒沙沒馬蹄，蕭蕭胡吹襲春衣。
冰堅石齒河聲斷，霜落川牙樹影稀。
長路幾經行客老，青山長見白雲飛。
何時還却行緣債，卓箇茅菴冷翠微。

將歸望雲中喜而有作

高原一上快人情，指點蒼烟是鳳城。
異地久淹情儘倦，家山忽見眼偏明。
黃塵袞袞如前導，白塔亭亭似遠迎。
一曲懷鄉誰與和，隔林幽鳥兩三聲。

僕家有懷鄉曲之句

寓定州禪宇三首

幽鳥避人飛去好，風應竹頻來。
為愛僧家庭宇，莫教踏破蒼苔。

畫棟朱簾雲雨玉，簫金粉霓裳。
千古太平朝野，一生烽火。

火漁陽

再見封侯萬戶立談白壁一雙詎勝耦耕南畝何如高
卧東牕

范蠡歸湖圖

功遂名成泛五湖知幾千古擅良圖向教勾踐堪同樂
不識先生肯退無

題三山萬歲峰

一治曾教役萬民一峯會使九州貧江山假說方成就

真箇江山已屬人

鐻工

一聲鐻子噪秋蟬
門內老僧驚晝眠
毫髮盡時髦髮在
夕陽芳草自芊芊

代王城

一脈金波喚作泉
孤城小小帶疎烟
從容三讓登車後
黼黻炎劉四百年

屏風山

何年雲母化蒼顏
闔境居民盡仰瞻
應是山城春意少
天教遮斷北風寒

周馳如是翁集

馳字景遠聊城人有文名尤工書法自號如是翁
歷官南臺監察御史時分治過浙省日與朋友往
復其書吏不樂似有舉刺之意大書壁上曰御史
某日訪某人某日某人來訪御史馳忽見呼謂曰
我嘗又訪某人汝乃失記何也第補書之吏赧然
而退

季札廟

古人不可及冥晦秉淳德一動成功名煥爛照無極季
子賢大夫劒佩游上國微乎禮樂意洞達有精識迄今
二千年欲繼難再得我行故城闔寂寞弔遺迹廟古丹
腹漫階空苔蘚積翔禽集中雷懸網掛虛壁鄉人尚加
敬瞻仰自夙昔歲時修饋祀塵土走巫覡吾徒志為學
不肯競朝夕景慕將何如江海起涓滴

館娃宮

吳中山水多戢戢至莫數靈巖號神秀踞地若蒼虎呀

然啟坳窪迫窄剝洞戶上騰空濛氣日夜為霧雨流傳
館娃宮泯沒今何所琴臺耀殘照香徑存荒莽當時競
繁華至此益淒楚子胥名世士樹立智且武殺身暴其
君於國竟何補哀哉實忠憤金石為消沮丈夫各有志
豈意濟艱阻夔契亦斯人榮耀暎終古

虎丘

茫茫勾吳墟異阜卓然起諸天作藩屏樹立空翠裏人
言開闢初湧出自海底至今羅宮室意與芝闕比夫差

暴齊晉繼霸執牛耳金銀固九泉燼國用奢侈投身甬
東地委棄孰憐已因思人間世踴躍徒為爾蒼茫一長
望萬古遽如此日莫鐘磬閒且欲談至理

耕雲鋤月寄貞居二首

買山靈山下石多如羊羣造物為我耕種之皆白雲沟
湧初鬱勃散漫還氤氲收歸方寸間吐作五色文一笑
顧妻子未用愁空困

石田不生禾何以養吾拙中宵披白雲自起鋤明月明月

無根株滿地散霜雪吾鋤不妄揮要使蕭艾別惜無植
杖翁相對同此潔

題五王醉歸圖

晉陽首事成功烈卒入宮門流戰血至親骨肉忍相殘
禍至黃臺邨可說讓帝知幾辭寶位履霜已戒堅冰至
華萼相輝一作耀勢使然遂許明皇敦友弟當時行樂殊

未央賜予無節恩非常出則同遊入同宴五龍躑躅騰
康莊時光鼎鼎如流電虛偽既消誠實見三子無辜死

金
卷四
渭橋太真有寵來金殿欲心一縱禍滔天社稷生靈不
暇憐從此陵夷于五代干戈喪亂過年年

遠觀亭三首

徐君因仕宦便欲老江南風土知為美人情亦粗諳買
田收黑黍為圃樹黃柑我有相從意羈棲力未堪

結構開青野回環俯翠岑雲留芳樹暗草長綠垣深共
愛閒居樂相依歲晚心春醪求善釀過日許同斟

遠觀亭上望風物六朝餘古寺荆王宅荒墩謝傅居英

靈傳草樹冠蓋逐丘墟欲問當時事飛雲滅太虛

題李仲實秋清野思圖

蒼筠倚喬木古色秋逾好誰能著茅亭相伴此君老

雜興六首

涼氣潛侵玉女牕井梧一葉下銀牀離情有似東流水
一夜相思歸夢長

聊攝城邊樹色秋往來長此繫扁舟不是故鄉無舊業
長邀明月醉高樓

楊柳青青麥吐芽
壺觴來就野人家
可憐廢井荒畦畔
狼藉東風一徑花

上清仙客鬢如絲
自剪青霞作道衣
幾見桑田變滄海
不愁牕外日光飛

牕外簫聲隱隱來
千年空苑碧桃開
相逢正好談風月
不惜春衣卧綠苔

雲馭霓旌自往還
天風浩浩海波寒
日輪飛上青山頂
人道蓬萊咫尺間

送李伯英二首

吳越江山天下稀，尊前休歎昔人非。
一杯正好酬春色，何事征帆去似飛。

江南才子去遊燕，為憶明時正禮賢。
休向薊門尋古跡，黃金臺上草連天。

懷郭安道

江南江北路茫茫，明月高樓各異鄉。
旅鴈叫雲天似水，故人今夜泊瀟湘。

徐州

風雨颼颼漲碧瀾
秋陰漠漠失前山
舟人也學襄王夢
長在朝雲暮雨間

和郭安道治書韻四首

西風吹起白頭

一作
滿

波半夜扁舟掠岸過
不向長橋沽

一醉滿天明月奈秋何

君醉淋漓我浩歌
古人為恨復如何
秋來幾日渾無賴
已有新霜著芰荷

江間小艇數能乘活計今如船子僧近喜老妻能斫膾
欲令稚子學扳罾

久客

一作盡日

思歸歸未能題詩附與

一作欲寄

遠遊僧吳松江

上鱸魚美何處人家不下罾

夢遊句曲二首

花竹垣牆映白沙紫清宮殿閤

一作鎖

烟霞一條歸路朱

弦直三百來年

一作年來

不到家

二華樹下拜青童語我丹砂九轉功緱氏不逢王子晉

雷平來訪郭仙翁

題趙鴈波高士圖

僵卧空齋儘耐寒
門前路雪漫漫投
炎附熱非吾事
一任人將冷眼看

納古柏侍郎集

古柏字里未詳官吏部侍郎黎劄安南志畧云至
大四年遣禮部尚書龜滿岱吏部侍郎納古柏兵
部郎中杜與可奉使安南宣仁宗皇帝即位詔詩
集失傳僅見傅習孫存吾皇元風雅數篇而已

九華山

一名蓮花
峰在貴溪

江山青芙蓉遙遙隔秋浦九莖風露寒萬壑煙霞古瑤
草含芳春青松立亭午安得一把茅移家白雲塢

望玉筍山弗克登覽留詩萬年宮

西南山水窟玉筍號奇絕羣岫來坡陀孤峯立撐嶮邃
洞煙蘿青危澗幽泉咽正是南昌尉於茲悟仙訣一覽
快心目洗滌中腸熱嗟余敢告勞馳驅待環轍五月登
武夷清流清且冽扁舟九曲中兩岸千尺鐵歲暮復何
之清江夜飛雪山靈似笑我身世若羈紲願言解塵纓
林泉養吾拙

過采石

采石江頭秋月白蛾眉亭下灘聲咽繡衣玉斧曉霜寒
同是天涯苦行客酒仙一去海生塵青山三尺埋衣巾
清江白鳥自今古岸草汀花空復春我欲御風遊八表
醉裏豪一作過情覓三島閭闔雲深不可攀回首江南數
峯小

題參政高公荒政碑

廬山插天千仞青明公高節逾稜層西江月冷秋無際
明公此心清徹底厭梁道上豺虎多手搏不待弓與戈

前年魑虐徧南國饑者以充僵者立洪州父老遮道傍上
書乞留涕泗滂豐碑大字記荒政要使遺愛如甘棠我
來觀風聞此語未見儀容心已許願公從此召赴中書
堂早為四海蒼生作霖雨

題韓文公祠

嶽奇海怪早相知何事中朝未可歸佛縱有靈那在骨
僧如得道又無衣符分臺峽天終定福近宮牆意更微
俎豆荒涼誰繼廩摩挲石刻重欷歔

鄱陽道中

江上秋風吹斷鴻
江頭開遍木芙蓉
幾家籬落依紅樹
萬壑煙霞鎖翠峯
南國風光一杯酒
故園魂夢五更鐘
舉頭日近長安遠
閭閻雲深第幾重

九日鄱江呈同行諸公

滄浪木落塞鴻飛
佳節芝山酒一卮
黃菊且陪今日醉
鐵冠不受晚風吹
滕王閣上雨雲黑
戲馬臺前草樹衰
何似淵明千古意
一篇清絕去來辭

番易和程世良

一作民

巡警官

年少將軍意氣雄
迺翁憲府舊乘驄
魯中詩禮有庭訓
江左衣冠多士風
玉樹青蔥秋色裏
明珠炫爛月華中
滕王閣上重回首
後夜相思寄別鴻

題碧澗堂

并序

在瑞州鳳凰山傳李八百女弟明香真人故居舊
有迷仙洞上刻仙容

聞說明香早學仙
華堂突兀故山顛
四圍亭檻青雲上

兩岸樓臺綵水邊
龍虎丹成知九轉
鳳凰飛去已千年
旌旗八百俱塵跡
惟有坡翁麗句傳

萬安縣邂逅一樓偏
高明舊有公畧張憲僉和
劉素菴一詩用題於左

五雲閣上北風寒
十八灘頭疊亂山
庾嶺一枝春信早
龍泉三尺土花斑
蠻烟瘴雨霜天曉
畫戟清香晝日間
倚遍闌干動高興
一聲道唱水雲間

次韻宗道御史過峽

蒼崖嶮巖奔東流玉節招搖漾彩舟雲鎖千山蕭寺古
霜清百尺瘴江秋白猿一去空長笑驄馬南來得壯遊
聞道遐荒歌帝力家家麥飯老林丘

番禺道中

王府

一作斧

飛霜大庾南萬松蒼

一作深

翠洗煙嵐雲開梧

野山羅戟月滿韶江水滌藍椰子漿寒殊

一作甘

似蜜荔

枝香暖絕勝柑中朝者舊如石問鳥語啾啾正未堪

和元帥伊埒呼圖克公子強橫竟以賊敗同憲岳

公齊高王馬二憲掾實共事云

好雨崇朝洗瘴淫
越王臺上一登臨
鰐魚已逝白波靜
遊鯤變化滄溟深
六祖泉臨千歲水
百蠻航貢五天金
九重貝闕雲深處
萬里孤雲寸草心

梅嶺題知事手卷

黃金臺上客
大庾嶺頭春
如是無詩句
梅花也笑人

琵琶洲

昌國寺前楓樹秋
琵琶洲畔暮雲愁
沙頭潮落灘聲急

疑是潯陽淚未收

春遊

桃葉渡頭春水生長安橋上草長青百年深向花時飲
贏得城南幾醉醒

清遠縣尹楊觀政有奇蹟復能詩文民僚服其
化士大夫過者靡不稱頌故贈此加勉焉二首

玉節星輅下嶺南萬山空翠雜煙嵐傳聞清遠多佳政
花滿春城月滿潭

風流文采楊忠肅南北雄奇古峽山怪底蠻江無語鳥
絃歌終日水雲間

張起巖華峰漫藁

一

起巖字夢臣其先章丘人徙家濟南中延祐乙卯
進士除同知登州事改集賢修撰轉國子博士陞
監丞進翰林待制兼國史院編修官丁內艱服除
拜監察御史遷中書右司員外郎進左司郎中拜
太子右贊善丁外艱服除改燕王府司馬拜禮部
尚書知制誥兼修國史知經筵事擢江南行臺侍
御史轉燕南廉訪使陞江南行臺御史中丞拜翰

林學士承旨俄拜御史中丞詔修遼金宋三史復入翰林為承旨充總裁官積階至榮祿大夫史成上疏乞骸骨歸卒年六十九諡文穆夢臣面如紫瓊美顙方頤而眉目清揚可觀博學有文熟于金源典故史官立言未當夢臣據理竄定深厚醇雅理致自足善篆隸自號華峰真逸有華峰漫藁類藁金陵集若干卷先是至元乙酉三月乙亥太史奏文昌星明文運將興時元世祖行幸上京明日

仁宗降生於儒州是夜夢臣亦生其後仁宗踐祚
始詔設科取士及廷試夢臣遂為第一人論者以
為非偶然也

宣聖墓

迢迢魯城陰長林肅秋色修門負平岡重墉屹玄宅交
柯矗雲霄文楷間蒼柏翁仲儼儀衛齋廳敞虛白境土
自清曠密茂不容隙巢居絕禽鳥鬱茁無寸棘苔蘚帶
堅埴草露濕寒碧肅躬款崇關屏氣前跼蹐高陵遂瞻

仰素願愜平昔聖裔偕守長聯翩來接跡羅列儀雍容
奠拜助登陟慨然渺深思辭容宛如覲徘徊凝睇久景
慕遂歎息緬想萬世功綱常賴扶植林林區宇內孰不
霑聖澤宜哉子孫枝蕃衍挺珪璧百代如一日附壠守
宗澤欲歸重躊躇歷覽撫碑刻崇文際皇元新廟再修
飭風厲示多方鐫銘有穹碣

遊金牛山

余生愛林壑夢想雲水間倏然外塵囂俗類每相關一

行墮世網著脚多阻艱回望故山雲逋客幾汗顏逝矣
古肥城岱麓空翠環有山名鬱蔥秀色青雲端中藏古
招提簷戶擅林壑我來脫塵鞅幽境窮躋攀層岡列屏
嶂曲境穿荆管壞橋擁流水激石聲潺潺山門勝雄視
殿宇凌高寒旅檀龕青瑤文風餘朱顏斗拱鏤珍木金
碧紛爛編老柏數十圍枝柯駁蒼頑石泉湛清泠古洞
秘神筌境與心迹清恍若遺人寰同遊二三子欲去還
為言迫春初暖日未足稱奇觀首夏山櫻熟紅珠瑩堪

餐佳樹影清密好鳥聲
繇蠻松露墜青滴巖雲擁髻鬟
烟蘿罩虬枝靈草封法壇晴嵐新雲餘飛湍瀉碕灣聞
之灑然笑襟懷豁幽閒更愛讀書堂當年翠衣冠中有
擢桂仙聲名藹朝班健氣壯精舍盛事留茲山便欲謝
簪紱眠雲弄潺湲午風鳴素琴春醪灑清歡題詩約山
靈莫云迂夫孱

題楊宣慰雲南頌後

揮戈如筆筆如刀
帥閫文場有比豪
絕域建功追定遠

明時獻頌效王褒風雲慶會振鱗貴竹帛光榮汗馬勞
吏草新銘刻銅柱不須辛苦學離騷

送朱真一

鶴馭翩翩渺莫攀浩然清興滿西山摩挲鐵柱觀浮世
整頓丹函說大還石壁風清瑤草秀洞天春盡玉笙寒
扁舟儻遂遊仙約握手巖扉一解顏

贈王季境

春滿維揚十萬家先公曾此駐高牙官廳寂寂留芳樹

舊館陰陰閉落花祠下繫鞍尋芍藥樓前騎鶴聽琵琶
歸來不異當時事一路東風帽影斜

題金臺集四首

宗天門下聽臚傳臺閣聯翩四十年今日懸車歸故里
杖藜攜酒落花前

玉帶難圍老病身廟堂補報乏涓塵衰年作別情懷惡
秉燭題詩贈故人

愛君談辯似懸河更喜交情古意多長使馬周貧作客

令人千古媿常何

百尺高樓易水東
千金曾此覈英雄
君來却在承平日
先策詩壇第一功

濰縣八景 錄六

東園早春

春到東園景物幽
小桃破萼柳絲柔
好邀詩友聯詩句
信步攜筇試一遊

南溪垂釣

垂柳陰陰蘸碧溪溪邊釣叟坐苔磯是非撥置綸竿外
閒看沙頭白鷺飛

西山晴雪

曉雲冬雪凍風殘一帶西山儘可觀樓上憑欄凝望處
潺湲高列玉屏寒

孤峯夕照

一抹殘陽碧映峯孤峯倒影自成陰牧童橫笛歸家去
鞭趁牛羊出遠林

麓臺秋月

銀河漾漾淨天街
碧月輝輝照麓臺
臺上讀書燕太子
清光依舊向人來

青楊晴眺

秋風雨霽碧天涼
極目城樓逸興長
幾簇人家山色裏
一川禾黍半蒼黃

王士元拙菴集

士元字

陶

臨汾人登延祐二年張起巖榜進士

第知吉州歷官風憲遷國子司業以崇文少監致仕自號具川道人所著有拙菴集

絳州居園池和僕世玉韻

名池涵清泚嘉燕豐文儒業業絳水陽潭潭仙者居輝
光扶遊龍采惠借騶虞桃李方歲蕤蘭芷紛扶疎青雲
起鄧郊赤舄臨唐墟高標鳳城上偉畫鸞坡餘立論翻

滄溟吐辭

闕

碧虛陸離楚人騷委順齊客竿一吮塵夢

醒再觀

闕

除涓視鯤鵬遊芥遺笙笛娛修廊弭華蓋

海月

闕

樞聲薄太行顛潤漸河之隅迄今荇藻叢蟬

闕

生神魚遂令懷古心仰念憑風雩玉昆凌鮑謝彩筆

張荷蕖短句歌流芳喬松陰春蕪意氣黃初前文衡遷

史途瓊田公已耕

闕

將力新畬

登德風亭和僕世玉韻

我我君子亭卜築山之陽民居鬱相擁巖樹翠疏行古

鎮遺金城雄章佩玉剛作郡多賢雋圭璋粲顒昂殆近
首陽阿豈知石子岡况當周晉交淳風接洪荒琴鼓談
笑餘劒氣牛斗傍監收台鼎家使君白壁光瀛洲倅車
下判公士林望麟鳳聚一時匪徒獲小康有客隆冬來
弭蓋春風堂徘徊仰名杜謳吟繼齊梁紅燭輝椒棗葡
萄侑伊涼明發指蒲陝東瞻慨復慷

晉源山谷

即姑射
平泉

晉州之西山曰姑有泉源源流不瀦疏為八道溝與渠

坐令瘠土成膏腴多黍多稌多麻蔬沍沍萬畝綦局如
田家終歲惟勤劬雖有乾旱無憂虞割牲醑酒父老趨
坎坎擊鼓吹笙竽報答龍神醉飽餘宛若澤國江鄉居
晉州之東民豈迂耕種亦自為農夫年年汲井井欲枯
赤日如炙雨不濡父子筋力疲轆轤肩頰汗浹良區區
老我見此空嗟吁誰把勞逸分兩途凶年且為寬賦租

題縣令王從仕新建公宅

雲斤月斧夜丁丁大厦高堂不日成
牕戶靜涵秋月冷

簷楹高引曉風清
湯山嵐氣鬱和氣
凍水河聲詠政聲
五袴民歌怨來晚
好磨翠琰刻佳名

吉州道中三首

書緘辨博藏三耳
禪付憑虛石六眸
小郡豈容寬舞蹈
窮愁方著古陽秋

望眼蓬丘天一涯
海風吹月到烟霞
一辭石室汗青竹
每負金河楊白花

綠鬢難巢五老松
蒼生深望一麾風
春回補袞承平策

詩滿騰雲御史驄

過司馬溫公故居

力扶洙泗絕荆舒
卧久周南返故廬
向使諸公歌不哭
調停人似漢唐初

王懋德仁父集

懋德字仁父高唐人由中書掾除戶部主事拜南
行臺監察御史內臺御史都省左司都事歷河南
燕南兩廉訪司副使天歷初召僉中政院拜左司
郎中陞叅議俄拜治書侍御史久之遷淮南廉訪
使轉江浙行省叅知政事召拜御史中丞尋擢中
書左丞卒蜀郡虞集為撰墓碑

嘉魚縣

堪羨嘉魚邑江山如畫圖俗淳民訟簡地僻使星稀僧
寺臨清瀨人家住翠微市橋通遠浦時見一帆歸

元宵

春入東郊雪漸融熙熙天氣報年豐萬家燈火分明月
幾處笙歌雜暖風短髮已無丹可黑衰顏猶有酒能紅
溪山容我閒來往先具扁舟訪釣翁

舟次陵州

獨坐渾如面壁禪更無餘事惱心田舟中唯載烹茶具

囊內猶存買酒錢
秋水經霜魚自樂
曉林留月鵲堪憐
人生何必東山卧
老我烟霞屋數椽

寄戶部楊友直

柳繞柴扉水繞村
黃鸝初轉已春分
東風吹散梨花雨
醉卧青山看白雲

直沽海口

極目滄溟浸碧天
蓬萊樓閣遠相連
東吳轉海輸杭稻
一夕潮來集萬船

過河西務

霜滿平堤柳漸凋
月移帆影過東橋
卧聽柔櫓鳴秋水
絕勝隣雞報早朝

重陽

拂却京塵理去舟
閒雲千里水悠悠
醉來欲落龍山帽
猶恐黃花笑白頭

上都寄許叅政

野草侵階水遶門
西風颯颯雨紛紛
小軒坐對爐薰冷

却憶溪南一片雲

長蘆遇順風

水聲怒激春雷響
帆影輕隨遠鴈飛
東望水雲三百里
沙鷗待我釣魚磯

西郊晚眺

遠寺僧歸日欲沈
無邊桑柘起層陰
牧童牛背閒橫笛
却笑詩人馬上吟

通州東菴二首

借榻禪房秋已深
碧雲牕外弄清音
空階落盡胡桃葉
霜滿東籬菊有金

衆鳥高栖萬籟沈
老禪攜月過東林
秋霜不染青蓮色
想見乾坤太古心

曹元用超然集

元用字子貞世居阿城後徙汶上元用幼讀書常
達曙不寢父憂其致疾止之輒以衣蔽牕默觀之
始以鎮江路儒學正考滿遊京師翰林承旨閻復
大奇之因薦為翰林國史院編修官御史臺辟為
掾史轉中書省右司掾與清河元明善濟南張養
浩同時號為三俊除應奉翰林文字遷禮部主事
改尚書省右司都事轉員外郎及尚書省罷退居

任城久之齊魯間從學者甚衆延祐六年授太常

禮儀院經歷屬英宗銳意禮樂其儀注制度率所

裁定授翰林待制陞直學士泰定三年授太子贊

善轉禮部尚書兼經筵官尋拜翰林侍講學士預

修仁宗英宗兩朝實錄天厯二年卒贈正奉大夫

江浙等處中書省叅知政事護軍追封東平郡公

謚文獻詩文四十卷號超然集戴表元稱其文曰

屬辭莊屈之潔析理孟荀之達而比事左班之覈

也

介春堂

光陰迅流矢富貴等浮漚昨日少年今白首華構咫尺
歸荒丘人生貴適意栖栖欲何求肘印累累大如斗不
及介春堂上一杯酒可以消百慮可以介眉壽况有蒼
鸞白鶴翔坐隅瓊樹照耀青芙蓉洞庭雲璈奏和響雙
成玉佩鳴清虛玉仙人真吾侶便須日日陪尊俎盡把
西湖釀春酒三萬六千從此數

李白酒樓

太白一去不復留任城上有崔嵬樓樓頭四望渺無際
草木黃落悲清秋鳬嶧挿天摩翠壁汶泗迢迢展空碧
爭奇獻秀百千態作意隨人來几席諸老高會秋雲端
金壁照耀青琅玕談笑不為禮法窘酒杯更比乾坤寬
飲酣意氣橫今古玉山傾倒忘賓主謫仙人去杳何許
異代同符吾與汝誰能跨海為一呼八表神遊共豪舉

京都次馬伯庸尚書

一作和韻二首
趙子昂

灤水橋

一作河

邊御道西酒旗閒挂暮簷

一作夕陽

低春從綠

一作玉

樹陰中老雲補青

一作蒼

山闕處齊畫戟遙臨青瑣

栖

闌紫騮解惜錦障泥鸞鳳自為明時出宜傍上林高處

柳簇金溝蘸碧波雲深玉

一作貝

闕瞰重阿鳳凰曲奏鈞

天樂烏鵲橋通織女河萬井閭閻春浩蕩六街車馬晚

坡陀山人素有林泉興奈此承明夜直

一作侍從

何

上京次王繼學韻

觀光千里外載筆五雲邊計拙如工部文雄愧謫仙枕
流思洗耳懷祿敢垂涎疾目昏如霧衰髯白勝綿當辭
天祿閣歸種汶陽田曉日登山屐秋風下瀨船芝香雲
滿地龜鶴不知年

丁卯校藝貢院作

席廬清晝列千袍射策詞場百戰勞明日京華春榜揭
蓬萊天近五雲高

秋懷

沙磧秋高宛馬肥
哀笳一曲塞雲飛
南都兒輩應相念
過盡征鴻猶未歸

題周曾秋塘圖

沙鳥飛鳴晚未休
櫂歌聲在白蘋洲
題詩每恨無佳句
欲剪橫塘一片秋

劉濩聲之集

濩字聲之三山人嘗以經學教授錢唐鄜州劉汶
師魯與濩交最久而凡事之歿後門人瞿士弘集
其遺文如千篇師魯為序其首金華黃侍講晉卿
跋其後曰聲之同時輩流人物凋落殆盡士弘得
師魯以為聲之不朽之託獨惜其所纂錄殊有未
備以僕所藏聲之遺墨校之集所不載者五七言
古律詩猶十有二首輒書而歸之俾置卷中僕所

弗及知者固不止此也嘗與聲之爐亭夜話贈詩
有云昭代尊經術先生尚布衣晉卿之推服聲之
者至矣

送鄭南仲赴昌化主簿

熙寧言利臣官好面堪唾偉矣鄭介公直聲千古播幾
葉有此孫能倡衆莫和湖學四五年氈寒不禁坐况投
萬山中瘦馬仍縣佐試訝鷺栖林何如蟻旋磨傳聞邑
父老置酒預相賀此士多讀書愛人不可貨今年秋風

高勿畏茅屋破但慮執法家需君驚貪墮白雲繚山腰
牕竹累千箇坐念老廣文德尊猶坎軻縣庭一分寬百
里減寒餓苟無澤物心卿相徒爾大版牘焉足稽絃歌
故非過起瞻東壁明詎患南箕簸時訪隱者廬談餘曲
肱卧公田定幾何適半種粳糯

送吳子敬赴釣臺書院山長

我航浙西三四五每過雙臺淚如雨三公不作歸釣磯
時人血面爭絲縷危石栖雲禽野語蒼林古瓦瞻祠宇

同舟名利急須臾我往拜之剛不與籜兮籜兮風吹汝

天星易搖足勿舉千載羊裘有敝時人言黃犬皮當補

諸公奕奕誰賓主名教有功聯犖俎惜不相逢建武功

短蓑獨速漁樵侶喜君沈敏資好古初分講席良得所

履聲絕少沉馬嘶蚤筍晚菰聊復煮伐木丁丁聽腰斧

水色山光更媚妩當年餌下有殘鱗珍珠化作驪龍吐

百里時歸彩衣舞猶載行書壓鳴鶻一芹贈子莫多言

買菜有譏君記取

寄尤端木編修

申浦昔弛檐梁溪初及門
艤舟投漫刺開闔倒清樽
似喜衣冠舊居忘齒德尊
語長燈屢涸坐久席彌溫
道隱雖千載人生故一源
談經須駁異訂史欲芟煩
昔自三歸僭終令六籍燔
王民無凍餒霸法有鉗髡
功利開邪逕玄空植禍根
桺嘗出虎兇家豈足雞豚
諸老相傳學先師罔極恩
石移針就直膠擲水祛渾
舜澤覘莘聘周文卜魯膳
雖無煎鳳觜必有嗜熊蹯
俗士聞應笑吾儕

契此言榻分踰夜午權返及朝暎泛梗無留迹瞻雲每

斷魂於公評出處與衆異昭昏藝自登黃最名因泛綠

掀婉謀裨宥府蔚望列詞垣振鷺依風遠驚鰲掣海翻

夢槐啼失國隱菊步歸園錦里時過杜香山不隔樊老

來諳稼穡醉裏擷蘭蓀向睹陶公集曾因季子孫千詩

逃冶麗羣筆肆齋沍息所諧歌詠

尤君有息所記

賢祠正討論

羗羊艱食性海燕邈巢痕

尤又有羗羊詩海燕爭巢詩

令子菑畬富

名家渠護存雪融金就礪冰緒繭抽盆眼底皆真樂胸

中有混元狙從冢宰服鶴聽大夫軒歲月書林暇塵埃
旅屨奔卑卑營市隱汲汲備朝飧未省九丘讀何當三
畫吞疏蹤危似棧苦思涸於胥世詎求三篋吾寧屬兩
鞬媚終辭衛竈乞肯近齊墻古意綦寥落時材別選掄
罕逢知鵠爵多遇笑龍虬擬築犁鉏舍相依水竹村古
泉渚寺冷春茗茁山暄歌遠牛俱跨談深蟲對捫潔應
餐沆瀣高足倚崑崙有客閩中李其人太學蕃冷官今
屑往麗賦昔孤騫過泗需先見瞻淇寄弗諼為多駒皎

皎仍感兔爰爰丹蟹濱湖賤瓊魚集市喧持杯應愈健
許事付乾坤

贈臧魯山廉訪

肅政光華遠清臺啓擬公節移梅嶺北輶發桂江東楮
帳篩寒月椰杯鼓朔風瘦童空挾杖貧病不裝絨徼俗
三年問威名百郡雄星芒垂潯洛雪色照賓融敷教有
虞廟講經夫子宫端嚴鉏獷戾易直牖倥侗吏滑加笞
竹官貪解印銅寬銷千褐父恩洽萬黃童花縵戲冬暖

瓠笙吹歲豐仁頻芭嫩綠古辣釀輕紅象跡煙中堞鯨
波雨外蓬夷珠人有斛粵布我無筒剖決心如水驅馳
髻已蓬六條方奏最四牡欲歌功為有澄清志遲輸獻
納忠織雲添衣繡鞭霆亦乘驄楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎
驚爭肥似鴈羆搏猛於熊懷壁枉無罪見金忘有躬化
源安溷溷獄市積恩恩大器能繩物先聲已擊蒙道傍
材果避窟底兔幾空勿珥終凶筆毋關報怨弓左鱣并

右粥後菴更先種采菊賦歸老愛蓮無極翁理明輕勢
利語妙入盲聾文祖歐陽古詩宗魯直工挽回鉛槧習
超出簿書叢顧盼山須動揄揚石可礮羽儀傾振鷺啄
菀徧哀鴻念昔初騰踏時方息戰攻考工厓黯黯試纍海
矐矐赤帝彼三百素絲茲五總穩行卑劒閣善納小雲
夢甲子從頭數冠紳進秩穹階蘭香浣露田玉氣噓虹
世或探斯驚吾寧拈爾撞察魚應小慧聽蟻豈真聰靜
躁聆徽外剛柔省殼中江湖歸獨步宇宙涉丹衷德驥

曾思附仙舟偶未同耐寒衣故白好古佩仍蔥夢枕頻
鮮荔羈帆幾落楓泥塗龜各曳霄漢鳳稀冲勵操期霜
柏吞聲等爨桐漸忘身顯晦得究學初終韓子哦雙鳥
莊生感二蟲樂莘晞衍衍憂杞笑忡忡選舉翳唐盛方
聞及漢崇貢琛凌渤澥懷組際穹窿穀欠防饑斂鹽因
析利籠駭民牛穀赫虛士鶴毳毳黼黻需耆俊饗殮給
老癯會看楊綰貴不計孟郊窮溫井覘陽長明奎卜道
隆斲辭規愛助華髮尚狂侗

春日郊行書與鄧善之別五首

在山水非清出山水非濁泉源但無壅滄海端可學
風急低卷帆潮來直扶柁我舟如我心鷗鳥亦忘我
動心趨蹶間治氣憐不早緩步勿貪高登山良有道
東風吹紙鳶衆目看不眩出處亦兒嬉善收存一線
文雞照水影五彩何繽紛鳳凰靈且瑞在德不在文

繆鑑效顰集

鑑字君寶號苔石其先汴人靖康之難扈蹕南渡
因居江陰鑑生於宋季耽讀書居城東之瓠岱見
政事日紊不復求仕以詩酒自娛有效顰集行世
同里張宣藻仲曰苔石效顰集失於至正壬辰之
兵宣兒時猶及見其手書其孫恭遍訪諸故老口
授三數十篇圖鈐諸梓牆東陸文圭嘗曰自古澄
江無詩人今有人矣蓋謂君寶也

得女

得駒未必真權奇中雀未必有淑女
女子未必光門楣吾今素髮紛如絲
得此一笑春生眉
蒼蒼天道不我遺猶勝伯道全無兒

題悟空寺

不到招提二十霜眼明還識魯靈光
雲餐已供伊蒲塞
風鐸猶傳替戾岡新寺金湯龍化遠
舊家王謝燕飛忙
行人指點簪屨地十里春風土尚香

梅花

鐵石槎牙玉粒姿
詩中圖畫畫中詩
半稜山色初晴後
一截谿煙欲暝時
流水帶雲栖瘦影
小牕和月上橫枝
老來自覺吟情拙
莫遣孤山處士知

春題

江天漠漠水悠悠
望斷春風燕子樓
書寄碧雲千里鴈
鏡分明月半奩秋
來時楊柳陰連陌
歸路蘋花雪滿洲
遙想瑣牕挑錦字
淚珠和粉冷銀鈎

端居

修竹垂楊映戶栽，清風長送午陰來。
門因好客時時掃，牕為看山面面開。
此樂恐於兒輩覺，長貧能免俗情猜。
儒衣不似牛衣好，分付山妻放窄裁。

解嘲

莫笑詩翁懶出門，詩翁樂事在

一作幽興寄

山村鶯啼楊柳

金

一作春

歌舞蝶宿梨花雪，夢魂晝盡丹青分。
曙色壓醅

醺，漲溪痕。燕簾風裏茶烟外，自選唐詩教子孫。

月屋

一室虛明境自寬
水晶簾映玉闌干
不從此處逢仙子
爭信人間有廣寒
梅影夜窺霜鏡滿
桂香秋吸酒壺乾
客來靜坐無塵到
笑指湖光上下看

圍碁

午香簾影靜浮華
對面機心萬里賒
夾騎倒戈窺虎穴
亂烏橫陣占鷗沙
當人不讓爭先著
袖手須饒老作家
欲訪爛柯山下客
洞深春染碧桃花

簷馬

錚錚金鐵夜交鋒
蕭颯秋聲殺氣雄
戰退曉天塵不動
依然橫槊待西風

鬼燈檠花

老死儒生習未除
殘膏分得燎原餘
一枝冷燄搖清夜
要讀生前未了書

詠鶴

青山修竹矮籬笆
髣髴林泉隱者家
酷愛綠牕風日美

鶴梳輕毳亂楊花

懷歸

折柳期春春便歸
叮嚀好與護柴扉
東風怪我歸鞍晚
調撥楊花到處飛

惜鷄

數載書牕伴讀鳴
羣中剛雉羽毛新
不知誰命牛刀手
望斷函關夜度人

紙帳

龜紋薄薄勝紈紗不用銷金學党家却似矮蓬晴載雪
隔簾疎影弄梅花

汪珍南山集

珍字聘之寧國之太平人隱居黃山下博學工詩
淵淳雅瞻卓有古風盧憲使摯雅重之汪文節澤
民敬其為人至不敢與鴈行每稱南山先生云

青青河畔草

青青河畔草矯矯園中李娟娟樓上婦微微啓玉齒仰
歎浮雲馳俯首理綠綺自惜韶華姿誤身遊俠子

秋懷七首

握中有孤竹奏竹鸞鳳吟聘俗俗不喜持歸故山岑歌
居折楊花傾耳衆口瘖乃知揚子雲空草五千文龜龍
困蟻蜨嘲誚何紛紜醬餚真可覆嗟嗟徒爾勤

明珠雜魚目琬琰博羊皮真有贗奪者貴以賤易之大
巧不若拙大黠不若癡龍光閔華室臭腐化神奇

幽蘭生當戶雖香為人鋤紫燕巢綺幕雖美非安居豐
狐竊文柄蒺藜掩嘉蔬奈何將蹄涔納子以尾閭

瀟瀟三日雨冉冉度殘暑草木行變衰豈不感節序荒

園有絡緯日夕促機杼念汝戒衣裘所思恨修阻
耿耿夜氣清索索風葉勁天空河漢清露下桑柘淨羈
鳥懷高樓潛魚樂深泳私憂撫良圖斂退遂幽屏輾轉
夜達晨屋山橫斗柄

蔡澤困牧豕甯戚隱飯牛古來賢達人未遇多沈浮任
安惜去衛王粲仍依劉嗟嗟古人心乃與今日侔
士衡三間屋元龍百尺樓幽期在一壑壯氣橫九州坐
令湖海豪結束歸林丘秋風動叢薄此念良悠悠

上盧疎齋憲使

翰林清切地秉筆代王言旦入承明廬暮出西掖垣端
眼光朝次壯懷厭卑喧四驄軫遠懷作屏分雄藩履狶
知人瘼驚魚念水渾于焉穆風詠庶以臻魚軒饑禽逐
天風飄蕩無時息何如輶壩人獨抱此伊鬱遵道諒不
移遠遊非所適表表人中仙秉心冰玉白度物分寸均
稱材銖兩密有噉思一鳴有翅當一刷上林多翹枝欲
集安所惜

疎齋先生賦湖陰曲書以付余遂賦一首

一虎穴中卧六龍江上飛
蛇矛半折柝聲斷晝夢驚
怪日遠圍鼓聲逢逢天四黑
五騎爬沙行不及道傍遺矢
冷於冰天上寶鞭人未識
江風夜捲湖陰水明月氛
霾當一洗荒亭千古寄興亡
目斷蒼烟溼衰葦

孫逸夫書堂作

青山盤盤雲氣度岡巒滅沒互吞吐
柘林烟潤繭行絲荷蕩水香魚弄絮
人間化物日夜流先生閉門雙鬢秋

大隱從來著朝市幽居况近城南樓

山丹花歌

方壺圓嶠蓬萊頂七還九返龍虎鼎藥成夜半忽飛去
瑤草一枝光炯炯九疑但識萼綠華未識赤斧山圖家
文選註山圖
赤斧二仙名淮南雞犬上天去雌蝶雄蜂空啖花

僕射山人山中四時詞

春風破寒入幽谷殘雪消時燒痕綠林花鬪日媚於頰
野蕨登盤甘勝肉南漪新綠晴滿湖春來行樂何處無

一樽我欲就花飲花下啼禽能勸沽

草泥聒聒吠螻蝻
棗花落盡桐陰密
舍南舍北掉綠車
山後山前聞打麥
新篁解籜來薰風
脫巾露坐雙鬢蓬
清泉白石足佳處
人世炎炎如甑中

西風蕭蕭羣木槁
天外秋雲淨如掃
豈葉半枯鴻鴈來
杭稻俱登雞鶩飽
白雲夜下天雨霜
破籬衰草啼寒蜩
芋魁如盎茭白老
牀頭酒熟浮蛆香

千林怒號北風惡
階下紛紛堆敗籜
野田日出散牛羊

茅屋天寒喧鳥雀濕雲簷下豆稽灰谷口梅花開未開
明朝積玉深一丈高卧閉門誰復來

山居夏日

草長荒三徑桐陰滿四隣青春如過客白日屬閒人
迸笋爭籬出殘花落地新幾時尋要術吾亦學齊民

迂盧疎齋肅政使

去年幕府雪晴時誦得蠶辛絕妙詞溪樹迎人寒欲醒
春陽行處本無私輪埋當道豺狼避月到空山魍魎移

白髮遺民思舊德相看繡斧重褰帷

次程子英金陵懷古

桃葉桃根樂府詞江南千里舊封畿
黃旗紫蓋關興廢東府西州有是非
故苑半隨秋草沒征帆猶趁暮潮歸
寶鞭奪得蛇矛斷夢破重營遠日暉

述懷呈殿幹碧梧友雲

門巷蕭蕭葉擁籬僻居尤自畏人知
讀書未及半素豹問士誰當甲蔡尼
萬壑風號天欲雪一溪梅發夢尋詩

百年將半猶羈旅可待麻鞋受拾遺

次答允峰殿幹見寄

題得新詩寄所思從公始恨十年遲
燈殘暗壁蟲催織月滿空庭鵲遶枝
客路飄零秋易感老年情味夜偏知
江烟一舸蘆花雪還憶往年相別時

春雨留胡振甫

故園春合早鶯棲堂下溪深水拍堤
十里桑畦蠶脫紙一簾花雨燕爭泥
年饑畎畝還堪隱世難功名莫厭低

寂寞淮南門下士贈君惟有數行題

題從兄希深書堂

衡簷睥睨壓疎櫺平割黃山一半青
落日捲雲隨鵲沒黑風吹雨帶龍腥
人間軒冕駒閑阜身外乾坤水載萍
我政江湖子林壑客星未減少微星

陵陽歌

陵陽城頭落日黃陵陽城下水茫茫樓中少婦吹羌管
時有北人思故鄉


城南

春陰黯淡蔽人家
野水新生尚露沙
客子未歸寒食近
滿城風雨落梨花

遊無為菴

杉垣記昔遊
洞門花落石牀幽
白雲飛盡四山碧
黃鶴一聲天地秋

元詩選三集卷四



總校官候補中書臣吳紹潔
校對官編修臣曹 城

謄錄舉人臣王嵩齡